




Plata dla Ploania Antermëia Sant'Antone Abat

UNITÉ PASTORALA



Ploan: siur Paul Campej
E-mail: campei.paul@rolmail.net

Calonia: 0474/520012
Siur Paul: 380 7345533

VAL BADIA
www.unitepastorala.org

Ann B

21.10.2018 - 28.10.2018 - GRAN FESTA DLA
CONSACRAZIUN DLA DLIJIA - Segra de düc -
domënia dla dlijia universal

n. 47

Sorví empede comané

📖 Is 53, 2a.3a.10–11 | Ebr 4, 14–16 | Mc 10, 35–45

Dal Vangele do San Merch:

⁴²Dailò i à Gejù cherdè ca y à dit: I savëis che chi, che vëgn aratà regnané, sotmët i popui, y che i potënc adora mal süa potënza sura la jënt. ⁴³Pro os ne déssera nia ester insciö, mo chël, che ô ester gran pro os, dess ester osc sorvidù, ⁴⁴y chël, che ô ester le pröm, dess ester le stlâf de düc. ⁴⁵Deache inçe le Fi dl Om n'è nia gnü a se lascè sorvì, mo a sorvì y a dè ca süa vita sciöche prisc por nen cumprè ciarà tröc.



Atlamaziun DLA DOMËNIA

*Le Fi dal Om è gnü a sorvì y à
dè ca söa vita por la salveza de
tröc. Alleluia.*

📖 *Letöres dla 30. domënia ia por l'ann:*
Ier. 31, 7–9 | Ebr 5, 1–6 | Mc 10, 46–52

Edema liturgica dai 21.10. ai 28.10.2018

2018	Ora	Mëssa
29^a DOMENIA 21.10 Segra dles dlijies, segra de düc oferta por la dlijia	9.30 10.00 17.15 18.00	<i>Corona por l'+ Clara Paul</i> Gran Mëssa por la comunité fam. Pepi Tasser fam. Erwin Forer <i>Prozesciun dles cianderes da Badia demez</i> <i>Oies funziun de conclujiun edema dla fede</i>
LÖNESC 22.10 <i>s. Jan Paul II, papa</i>	14.30	Sopoltöra de Kircher Rodolfo
MERTESC 23.10		
MERCUI 24.10	7.25 <i>dô scora</i>	s. Mëssa di scolari <i>corona</i> Confesciuns mesana
JÖBIA 25.10		
VENDRES 26.10	7.25	s. Mëssa a onur di ss. Crisantus y Daria <i>corona</i>
SABEDA 27.10	18:00	Funziun penitenziala
30^a DOMENIA 28.10 <i>oferta por la dlijia</i>	9.30 10.00	<i>ora vedla!</i> <i>Corona por l'+ Kircher Rodolfo</i> Gran Mëssa por la comunité en onur de s. Ujöp Freinademetz 2 ^a de sopoltöra + Kircher Rodolfo 3 ^a de sopoltöra + Paul Clara aniversar ++ Tille y Malia Erlacher aniversar + Maria Unterweger

Informaziuns y terminns

Provijiun amarà: chesta edema jarai a proveder i amarà. Sce al n'è de nüs, fajemelal savei!
Fajei chesc sorvisc a üsc amarà !

Bel dilan por les ofertes ala dljia en ocasiun dla sopoltöra dl + Paul Clara: da fam. Carlo Clara, Fidelis; fam. Silvester Promberger; Scora de schi La Ila; Scora de schi S. Ciascian.

le ploan

Le Sorvisc ai Jogn inviëia a en edema de formaziun tl Zënter dla jonëza y dla cultura SaJ.un (Ciasa dla cultura La Ila, alzada -2).

23.10.2018 dales 19:30: Se mëte autonom (Selbständig) cun la comercialista Jelena Comploi.

24.10.2018 dales 19:30: Acomapagnamënt tla plüra cun la referënta Gabriela Mair am Tinkhof.

25.10.2018 dales 19:30: Comportamënt a risch di jogn – danter devertimënt y prigo (en colaboraziun cun le consëi de formaziun da Badia): con Wolfgang Hainz (Forum Prevänition) y colaboradësses dl Sorvisc por les dependënzes da Bornech.

26.10.2018 dales 19:30: Sessualité* Atramënter!/? Tobias Stampfer cunta de söa esperiënza de vita. Acompagnamënt dal Dr. Edmund Senoner – psicologh.

27.10.2018 dales 16.30 ales 18.30: Domisdé de pröm aiüt por mituns y jogn cun le grup di jogn dla Crusc Blanca dl'Alta Val Badia.

Gita di paur y patrones! Ai 06.11.18 piun ia dales 7.30 da Lungiarü y da S. Martin dales 7.45 te paisc demez. Jun a Balsan a ciarè le labor dl Sennereiverband, marëna sön Ritten y dedo jun a ciarè l dër bel UadB a 5 ciüf. Prenotaziuns pro 338/9918326 o 348/7491536 entro le 28/10. Marëna è a paiamënt, le resto gnarà paiè dales Uniuns di paur y patrones. Düc é bel invià.

Al vëgn recordé che la **Pasciun di discepui** „Nia de parora“ cun musighes dal “Messias” de Händel portada dant dala Uniun dl Teater y dal Cor de Dlijia cun orchestra sot ala direziun de Elio Clara é da odëi incö domënia (21/10) dales 16.00, y spo en jöbia (25/10) dales 20.00, en sabeda (27/10) dales 20.00 y en domënia (28/10) dales 16.00 tla dljia da La Val. Info: 333 82 36 384.

L'apoteca Pütia a Picolin é stlütä dai 21 ai 28 d'otober 2018.

I Consëis de Formaziun Val Badia inviëia a na **sëra „I Ladins dles Dolomites“ cun le cabaretist y joblere Simon Kostner** che cunta la storia de süa identité en dedemesaledema, ai 24 d'otober, dales 20.00, tl salf dl Istitut Ladin a San Martin.

*Ci arunse pa nos dainciará dala vita, dala fede y dal amur?
Chèsta domanda conesciunse, ara n'è nia stleta, mo dër
umana.*

An conscidra gonot la vita sciöche da fá n cunt.

Y tröc mina che, fajon i cunc, ne ciarel fora nia inultima.

Ai á investí cotan, sciöch'ai dij, y al é salté fora püch.

*Y spo röii ala conclujiun: Al n'á nia paié la mëia da crëie y da
orëi bun.*

*A chësc resultat n'ó Iaco y Jan nia rové, y por jí sigüsc prëii
Gejú:*

*Signur, làscesse sentè te to rëgn un a man dërta y l'ater a
man ciampa dlungia tè.*

*Ai ó savëi damperfora sc'al paia la mëia da se sforzé por
l'amur.*

Y ci nen dij pa Gejú?

Al n'ó savëi nia dles supliches y di dejiers di dui apostui.

*Al ti respogn: Chiló ne partësci iö fora degügn posc por le cil;
viede sciöche sorvidus di atri y döt l'ater lascedi fá a Chël Bel*

Dî, le Signur.




Chël fistidiëia por os sö al cil y söla tera. (Image)

Foto: Peter Kane



Jakobus und Johannes möchten die bevorzugten Plätze an Jesu Seite. Doch Jesus erteilt ihnen eine Abfuhr und macht klar, dass bei ihm andere Maßstäbe gelten: Jesus möchte, dass wir alle Erste sind. Erste in der Liebe und im Dienen.

Mësses a Rina:	Dom 8.30 Dedol 19.30 Jöb 7.25 Sab 19.30 Dom 8.30
Mësses a San Martin:	Dom 9.30 Lön 7.30 Dedol 19.30 Jöb 7.30 Sab 18.30 Dom 9.30

	22.10 - 27.10.2018	Kathrin - Kristel
	28.10.2018	Marc – Magdalena – Tom - Armin
	27.10.2018	Marialuise Turnaretscher
	28.10.2018	Jessica Irsara
	<p>Les mius aodanzes por le compliagn ti fajunse a Turati Celestina (96). Döt le bun.</p>	

Impressum:

Comunicaziuns:

Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | 0474 520044
www.unitepastorala.org | www.comun.sanmartindetor.bz.it